

Na osnovu člana 69 stav 1 tačka a) Zakona o javnim nabavkama Bosne i Hercegovine ("Službeni glasnik BiH" broj 39/14), a nakon sprovedenog postupka nabavke putem direktnog postupka za nabavku roba – nabavka kancelarijskog materijala, zaključuje se

UGOVOR

o nabavci i isporuci roba – kancelarijskog materijala

1. Javna ustanova „Srednja škola metalških zanimanja“ iz Sarajeva ulica Zmaja od Bosne broj 8, ID: 4200514770003 , koga zastupa direktor [REDACTED] (u daljem tekstu: ugovorni organ) i
2. «Svjetlost-SarS» d.d. Sarajevo, ul. Muhameda Kantardžića br. 3., ID: 4200191820006 , koga zastupa direktor [REDACTED] (u daljem tekstu: dobavljač).

Član 1.

(1) Ovim ugovorom ugovorne strane su se sporazumjele da će Dobavljač za potrebe Ugovornog organa izvršiti nabavku kancelarijskog materijala (u daljem tekstu: roba) u iznosu od 2923,19 KM bez PDV-a, PDV iznosi: 496,94 KM, a sa PDV-om iznosi 3.420,13 KM (trihiljadečetiristinedvadeset i 13/100KM).

(2) Sastavni dio ovog Ugovora je Ponuda Dobavljača broj VP1-2019-14 od 17.4.2019. godine sačinjena na Obrascu za cijenu ponude sa navedenim jediničnim i ukupnim cijenama, sa i bez PDV-a, od rednog broja 1. do rednog broja 67.

Član 2.

Ugovorni organ naručuje predmetnu robu, a Dobavljač prihvata da izvrši nabavku i isporuku, na osnovu zaprimljenog zahtjeva za dostavu ponude, odluke o prihvatanju ponude broj: 02-551/2019 od 17.4.2019.godine i ovog ugovora.

Član 3.

- (1) Ugovorni organ i Dobavljač su saglasni da Ugovor realizuju prema definisanim uslovima putem direktnog postupka, i to:
- (2) Ugovorni organ prema zahtjevu za dostavu ponude.
- (3) Dobavljač prema dostavljenoj ponudi/predračunu sa preciznim ponuđenim uslovima u ponudi.

Član 4.

- (1) Ugovorni organ nema obavezu da Ugovor realizuje u cijelosti, niti snosi bilo kakve troškove ili odgovornost ukoliko se isti ne realizuje.
- (2) U slučaju neispunjavanja ugovorenih obaveza Dobavljača, Ugovorni organ zadržava pravo djelimičnog ili potpunog raskida Ugovora.

Član 5.

Dobavljač se obavezuje da neće doći do promjene cijena iskazanih u Obrascu za cijenu Ponude tokom ugovorenog perioda, izuzev u slučaju promjene zakonskih propisa koji se odnose na plaćanje državnih dražbina.

Član 6.

- (1) Dobavljač će robu iz ovog Ugovora isporučiti u magacin Ugovornog organa, adresa ul. Zmaja od Bosne br.8. Sarajevo, uz otpremnicu / račun na kojoj/em će biti naznačene cijene i ostali elementi shodno tenderskoj dokumentaciji Ugovornog organa i Ponude roba iz ovog Ugovora.
- (2) Dobavljač će robu isporučiti Ugovornom organu u roku od 7 (dana) dana od dana potpisivanja Ugovora.
- (3) Ugovorni organ će plaćanje ugovorenog iznosa izvršiti uplatom na transakcijski račun Dobavljača broj: 102029000000154 otvoren kod Union banke u roku od 15 dana od dana prijema fakture za kompletno isporučenu robu

Član 7.

- (1) Dobavljač se obavezuje da će isporuku predmetne robe izvršiti u skladu sa zahtjevima Ugovornog organa i da će odmah postupiti po eventualnima primjedbama Ugovornog organa, u pogledu nedostataka na ime kvaliteta izvršene nabavke.

- (2) Ugovorni organ je obavezan dostaviti pismeno obavještenje o svakom navedenom propustu Dobavljača po Ugovoru.
- (3) Ugovorni organ će utvrditi razuman rok za ispravku propusta Dobavljača u smislu izvršne nabavke.
- (4) U slučaju eventualnih primjedbi Ugovornog organa na kvalitet i količinu isporučene robe, Ugovorni organ može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

Član 8.

Odredbe ovog Ugovora se ne mogu mijenjati nakon njegovog zaključenja.

Član 9.

Eventualno nastale sporove pri realizaciji ovog Ugovora, ugovorne strane će rješavati sporazumno, u protivnom, ugovara se nadležanost suda u Sarajevu.

Član 10.

Svaka od ugovornih strana može otkazati ovaj Ugovor, pismenim putem, uz otkazni rok od 7 (sedam) dana iz razloga propisanih Zakonom o obligacionim odnosima.

Član 11.

Na ostala prava i obaveze ugovornih strana, koje nisu regulisana ovim Ugovorom, primjenivaće se odredbe Zakona o obligacionim odnosima.

Član 12.

(1) Ovaj Ugovor stupa na snagu danom njegovog potpisivanja i ovjerom od strane ovlaštenih predstavnika ugovornih strana.

Član 13.

Ovaj ugovor je sačinjen u 4 (četiri) istovjetna primjerka, od kojih svaka strana za svoje potrebe zadržava po 2 (dva).

DOBAVLJAČ
Direktor

Broj: 02-19/2019
Datum: 17.04.2019. godine

UGOVORNI ORGAN
Direktor

Broj: 02-19/2019
Datum: 17.4.2019. godine